TIMBAL (Antoine), notaire de Villemur, Villemur-sur-Tarn, minutes 1620, f° 139 (v°) & s., Archives départementales de la Haute-Garonne, cote 3 E 26896, PH/JCHR/1130440.

(...)

Acte de serement de fidelité preste au s(ieu)r baron de roquemaure par les consulz et habitans dud(it) lieu /

L an mil six cens vingt et le second jo(u)r de mois d'aoust regnant n(ot)re souverain prince louys

14

trezie(me) du nom par la grace de dieu roy de france et de navarre avant midy aud(it) lieu de roquemaure dioceze bas montauban et sen(echau)cee de th(ou)l(ous)e pardevant noble daniel de belluion seigneur et baron dud(it) roquemaure et au(tr)es lieux. estant assis sur un banc. a l'entree de la porte du lieu ou souloit estre le fort dud(it) roquemaure et ou les audiences ont accoustumé se tenir ont compareu pierre blanc pie(rre) estaves filz de salvy. et anthoine tardieu. consulz dud(it) roquemaure accompaignés et acistés de anthoine et salvy prunetz fre(re)s françois de veza gerauld boyalz estienne bonneville pie(rre) estaves filz de vital roubert bonneville guill(aum)e meyssonyé, pie(rre) et autre pie(rre) jourdas fre(res), anthoine prunet filz de pie(rre) jean blanc au(tr)e anthoine prunet fils de guill(aum)e gabriel alis huguin roquet pie(rre) benoist, guill(aum)e lafage jean prunet anhoine terre gabriel lauret vital blanc lesquelz faisans tant po(u)r eulx que po(u)r et au nom des au(tr)es habitans absens dud(it) roquemaure / par l organe desd(its) consulz ont dict et represente a mond(it) sieur de belluion qu() ilz sont bien certains et advertis qu()il est vray et legitime acquereur seigneur

.....

e(t) possesseur de lad(ite) baronye et terre de roquemaure comme l() ayant acquise de noble pie(rre) de perol s(ieu)r de salles et de dam(oisel)le susane de peyrol fem(m)e a noble jean de respide sa s(o)eur, par contract receu par m(aîtr)e ysaac solier not(aire) de villemur le quinsie(me) avril mil six cens dix neuf / et aussi par le moyen d au(tr)e acqui(siti)on par luy faicte de noble jean du gout s(ieu)r de la chappelle bouset tant en son nom que comme ayant le droict acquis de françois et jacques delguy et de michel pierre de mauleon par contract receu par m(aîtr)e jacques thieys not(air)e de montauban le vingt cinquie(me) juillet der(nier) passé / en concequence de quoy

et ayans lesd(its) consulz et habitans sceu que mond(it) s(ieu)r s estoit rendu ce jourd'huy aud(it) lieu / ilz n ont voulu manquer de le venir treuver / po(u)r luy rendre l honneur et respect qu() ilz luy doibvent / et comme ilz sont tous prestz et dispozés de le recognoistre po(u)r leur seigneur et baron et luy rendre le service et debvoir de bons et fidelles vassaulx et subiectz ilz le supplient et requierent aussi de les maintenir garder et conserver comme un seigneur est tenu et obligé de f(air)e mesme de pourveoir a ce que la

.....

141

justice leur soit administree aud(it) lieu suivant l'ancienne coustume par personnes ydoines et capables qu()il luy plaira y choisir et establir a quoy mond(it) s(ieu)r a respondu qu() il est venu exprés aud(it) lieu po(u)r prendre comme il a faict la reelle et actuelle possession de lad(ite) seigneurie de roquemaure et par mesme moven recevoir la recognoissance et serement de fidelité que lesd(its) consulz et habitans luy doibvent f(air)e affin que de sa part il puisse pourveoir a tout ce que sera requis pou)r leur bien et conserva(ti)on ce qu'entendu par lesd(its) consulz et habitans ilz en ont humblement remercyé mond(it) s(ieu)r et offert de prester led(it) serement de fidelité en la forme accoustumee. et a l'instant lesd(its) pie(rre) blanc pie(rre) estaves filz de salvy et anthoine tardieu consulz dud(it) roquemaure portans le(urs) livrees et chapperons consulaires, estans a genoulx la teste descouverte tenans leurs mains joinctes sur les s(ain)tz evangilles entre celles dud(it) s(ieu)r baron et tant po(u)r eulx que po(u)r tous les habitans / dud(it) roquemaure p(rese)ns et acistans les sus nommes ont dict et declaré qu()ilz recognoissent et advouent / led(it) s(ieu)r

.....

de belluion po(u)r seigneur et baron dud(it) roquemaure ayant tout droict de seigneurie et juridi(cti)on haulte moyenne et basse ensemble la directe aud(it) lieu et baronye et luy ont promis et juré qu() ilz luy seront bons loyaulx et fidelles vassaulx et subiectz et de ses successeurs / qu() ilz procureront son bien proffict et utillité et empescheront de tout leur pouvoir tout ce qu() ilz cognoistront / luy porter dommage e(t) prejudice ou aulx sciens / luy revelleront et le tiendront adverty de tout ce qui viendra leur notice concernant son proffict ou dommage et luy rendront en toutes occa(si)ons le service debvoir et hommage qu() ilz luy sont tenus / si recognoistront tous les officiers de justice et au(tr)es qu() il establira aud(it) lieu neantmoings feront toutes recognoissances concernant la rente et directe

quand requis en seront / et payeront tous droictz et debvoirs et en g(e)n(er)al feront et accompliront toutes au(tr)es condi(ti)ons portees par les actes de serement par eulx presté cy devant aux au(tr)es seigneurs et barons dud(it) roquemaure. laquelle declara(ti)on e(t) presta(ti)on de serement. ayant este stipullee et acceptee par mond(it) s(ieu)r de belluion il a promis aussi a maintenir et garder lesd(its) consulz et habitans de roquemaure

.....

142

envers et contre tous et les f(air)e jouyr des droictz franchises et libertés qui leur apparrtiennent et po(u)r cest effect leur a demandé communiqua(ti)on de le(urs) privillieges tiltres et anciens documens / leur declarant et signiffiant qu() il leur a pourveu et institué **po(u)r juge** e(t) po(u)r le(ur) administrer justice / m(aîtr)e michel vayssier docteur et advocat habitant de villemur / item po(u)r son procur(eur) d'office led(it) gabriel allis et po(u)r greffier m(aîtr)e jacques garrigues / praticien / item po(u)r sergent jean prunet - tout ce dessus faict et recité en ceste forme et le p(rese)nt acte dressé et retenu / du consentement et a la requi(siti)on desd(ites) parties par moy anthoine timbal not(aire) royal de villemur treuvé sur le lieu / en p(rese)nces de nobles jacques de favsan habitant de buset jean de chambon habitant de th(ou)l(ous)e m(aîtr)e jean deymier p(rest)bre et m(aîtr)e pie(rre) garrigues not(aire) de bessieres pie(rre) delhoste cap(itai)ne habitant de montauban

Belluion Delhoste, presant

Alies

J. Feysan, presant

Timbal, not(aire) r(oyal)

Les au(tr)es tesmoings ont signé la minutte qui est a la liasse